

¹ COLOSSA Straboni lib. 12. vulgò *Chone*. *Epiphanius* Episcopus Colossæ in Phrygia Pacatiana legitur in Concilio Chalced. act. 6.

² SINNAI libro Conciliorum. *Aramius* Sinai Phrygiæ Episcopus sub Laodicea legitur act. 6. Concilii Chalced. sed ob magnam distantiam parum mihi certum videtur: & *Phronymus* in Collatione octava Synodi 5. generalis.

PHILIPPOPOLIS Concilio Chalcedonenfi sub Laodicea. *Tatianus* Philippopolis in Phrygia Pacatiana Episcopus in eodem Concilio legitur.

³ THEMISONIUM Ptolem. ibid. *Matthias* Themisonii Antistes Concilio Romano 5. sub Symmacho interfuit.

⁴ SANIS Ptolem. ibid. *Flaccus* Sanensis Episcopus Concilio Nicæno subscripsit.

ACMONIA Ptolem. ibidem. 5 *Gennadius* Acmoniorum Antistes in Phrygia Pacatiana Concilio Chalcedonenfi subscripsit.

THEODOSIOPOLIS libro Conciliorum. *Thomas* hujus Episcopus in Phrygia Pacatiana subscripsit Concilio Chalcedonenfi, & *Dominicus* Concilio Constantinop. sub Agapeto & Menna ex eadem Phrygia dicitur.

BLEANDRUS Ptolem. ibidem. *Elias* Episcopus Bleandri subscripsit Concilio Chalcedonenfi.

⁶ ATHANASSUS Concilio Chalcedonenfi Græco, & Notitiæ Græcæ. *Philadelphius* Athanassi Episcopus in Phrygia Pacatiana in eodem Concilio Chalcedonenfi legitur.

PHRYGIA PACATIANA ALTERA.

HIERAPOLIS altera Phrygiæ Pacatianæ Metropolis, saltem quoad honorem sex primis sæculis, ut ex Concilio generali quinto discere est, in quo *Auxanon* Hierapolitanorum Metropoleos Episcopus dicitur. Suffraganeas quasdam sedes ei assignat Notitia antiqua Græca: sed quod per ea tempora ita fuerit, res mihi ex hoc non parum dubia, quod in Concilio Chalcedonenfi duæ solummodo sint Phrygiarum Metropoles, nempe Synnada & Laodicea: & Attudi civitas in ea Hierapolis Suffraganea, subdatur Laodiceæ act. 6. ejusdem Concilii. Imo in Notitiis Græcis, quas ad calcem hujus operis dabimus, ipsa Hierapolis sub Laodicea est. Scio in harum recentiori, sedes mox subjiiciendas ei pro Suffraganeis, adscribi, sed paragraphum, hanc novam Provinciam Pacatianam complectentem, posterioribus sæculis additum fuisse Notitiæ jam conditæ ex hoc conjicio, quod in eadem Notitia Hierapolis sub Synnada reperiatur. 7 Ex ejus Episcopis *Flaccus* Concilio Nicæno subscripsit, & *Abercius* Chalcedonenfi. Quidquid sit, has ei Sedes cum dicta Notitia assignabimus.

DIONYSIOPOLIS dictæ Notitiæ antiquæ, & Concilio Chalcedonenfi. *Alexander* Dionysii civitatis Episcopus Concilio generali quinto subscripsit inter Episcopos Phrygiæ Pacatianæ.

ANAS-

NOTÆ LUCE HOLSTENII.

¹ *Colossa*] Colassia, unde Colassenses, ad quos extat S. Pauli Epistola, quorum nomen postea corruptum fuit in Colossenses, quasi à Colosso fuisset deductum. Codex Græcus admirandæ vetustatis in Biblioth. Vatic. lxx. Interpp. & alius Codex parvulus ΚΟΛΑΚΕΙC rectè scribunt, & sic in vulgatis omnino reponi debuisset.

² *Sinnai*] Synnaus. Συνας in Græco legitur, & Hierocli Σίννας, & sic alia Notit. pag. 49. ο Συνας. MS. Lat. Synnaci pro Synnai scribit.

³ *Themisonium*] ΘΕΜΙΣΣΟC in Act. Concil. Chalced. Act. 6. ubi Zosimusejus Episcopus legitur. Est enim eadem omnino civitas. MS. Latin. Themisonium vertit duplici SS.

⁴ *Sanis Pr. ibid.*] Sanaus Hierocli & Straboni, vel Sanaa, ut in Actis Concilii Chalcedonenfis Act. 6.

[*Flaccus Sanensis*] Sanaensis & Sanabensis MSS. [Conc. Nicæn. subsc.] & in Chalced. Antiochus Σαναν legitur. MS. Lat. Sanao vertit.

⁵ *Gennadius &c.*] & Theodosius subscripsit Synodica Gennadii P. CP. Tom. 1. Juris Græc. Rom.

⁶ *Athanasius*] Athanasius. [*Philadelphius Athanassi Ep. &c.* legitur] Act. 6. & sic MS. Latinus antiquissimus Athanassi legit.

⁷ *Ex ejus Episcopis*] Papias S. Joannis Apostoli auditor Hierapolitanus Episcopus in Asia apud Hieronymum de Scriptor. Ecclesiasticis c. 18. Eusebium & alios. Appollinaris beatissimus in Hierapoli Asia Episcopus apud S. Hieron. de Script. Eccles. cap. 41. vixit sub Imperatore M. Antonino. Constantius, qui in Epheso Concil. absolutè Episcopus Phrygiæ Pacatianæ appellatur, sine dubio Metropolita hujus loci fuit.